


Հաստատված է.

«Գավառի արվեստի պետական քոլեջ» ՊՈԱԿ-ի
կառավարման խորհրդի նիստում՝

« 26 » 08 2024 թ.

(արձանագրություն թիվ 6)

Խորհրդի նախագահ՝ Մ. Միրականյան



**ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅՈՒՆ**

«ԳԱՎԱՌԻ ԱՐՎԵՍՏԻ ՊԵՏԱԿԱՆ ՔՈԼԵՋ» ՊՈԱԿ

ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԿԱՐԳ

/Նոր խմբագրությամբ/

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «Գավառի արվեստի պետական քոլեջ» ՊՈԱԿ-ի ՈՒսանողական Խորհուրդը, /այսուհետ ՈՒԽ ինքնակառավարման մարմին է, այն ստեղծվել է պաշտպանելու և ապահովելու ուսանողների իրավունքները, և հնարավորություն է տալիս ուսանողներին մասնակցելու իրենց վերաբերվող հարցերի քննարկմանն ու լուծմանը, սոցիալական գործունեության զարգացմանը՝ աջակցելով ուսանողական նախաձեռնությունների իրականացմանը:
- 1.2. ՈՒԽ-ն մշտական գործող և ուսանողների գործունեությունը համակարգող ներկայացուցչական մարմին է և գործում է սույն կանոնակարգի հիման վրա: Սույն կանոնակարգը քննարկվում է ՈՒԽ-ի կողմից և հաստատվում է Կառավարման խորհրդի որոշմամբ:
- 1.3 Իր գործունեությունը իրականացնելիս ՈՒԽ-ն առաջնորդվում է ՀՀ Սահմանադրությամբ, Նախնական/արհեստագործական/ և միջին մասնագիտական կրթության մասին ՀՀ օրենքով, Քոլեջի կանոնադրությամբ եւ սույն կանոնակարգով:
- 1.4. Քոլեջի յուրաքանչյուր ուսանող իրավունք ունի ընտրելու և ընտրվելու ուսանողական խորհրդում՝ համաձայն սույն Կանոնակարգի:
- 1.5. ՈՒԽ գործունեությունն ուղղված է քոլեջի բոլոր ուսանողների՝ իրավունքների պաշտպանությանը:
- 1.6. ՈՒԽ որոշումները տարածվում են քոլեջի բոլոր ուսանողների վրա:
- 1.7. Աշխատանքները համակարգելու համար քոլեջի ՈՒԽ-ը իրավասու է խորհրդի նիստերին որպես հրավիրյալներ ներգրավել նաև Քոլեջի վարչական և մանկավարժական կազմի, ինչպես նաև կառավարման խորհրդի ներկայացուցիչների:

2. ՈՒՍԱՆՈՂԱԿԱՆ ԽՈՐՀՐԴԻ ՀԻՄՆԱԿԱՆ ՆՊԱՏԱԿՆԵՐԸ, ԽՆԴԻՐՆԵՐԸ ԵՎ ԳՈՐԾՈՒՆԵՈՒԹՅԱՆ ՄԿՁԲՈՒՆՔՆԵՐԸ.

2.1. ՈՒԽ նպատակները.

- ուսանողական ներուժի համախմբում՝ ուսուցման գործընթացում առաջացող խնդիրները համատեղ լուծելու նպատակով,
- քոլեջի կառավարման գործընթացում ուսանողների ակտիվ մասնակցության համար բարենպաստ պայմանների ստեղծում,
- քոլեջի ուսանողների նախասիրությունների և հետաքրքրությունների, նրանց ինքնաիրացման և ստեղծագործական ներուժի բացահայտումը;
- քոլեջի զարգացման ռազմավարական ծրագրի իրականացման գործում տնօրենին աջակցության ցուցաբերում,
- քոլեջի կարիերայի պնտասիսանատուի հետ սերտ համագործակության ապահովում,
- քոլեջի որակի ապահովման գործառույթների իրականացման գործում ներգրավվածության ապահովում:

2.2. ՈՒԽ խնդիրները.

- ուսանողների իրավունքների և շահերի ներկայացում և պաշտպանություն
- ուսանողների կրթական, և նրանց շահերին առնչվող այլ հարցերի լուծմանն աջակցության ցուցաբերում;
- ուսանողության շրջանում ժողովրդավարական ավանդույթների պահպանում և զարգացում, քոլեջի կրթական խնդիրների վեր հանում քննարկում և լուծումների առաջադրում, գործընթացի շրջանակներում ուսանողների ժամանցի կազմակերպում, առողջ ապրելակերպի քարոզում, կրթական աջակցության քոլեջի կառուցվածքային ստորաբաժանումներին;

- ուսանողների կողմից ընտրած մասնագիտության նկատմամբ արժևորման խթանում,
- քոլեջի ավանդույթների նկատմամբ հարգալից վերաբերմունքի դրսևորում և տարածում;
- քոլեջի գործունեությանն ու ուսանողների իրավունքներին առնչվող ներքին իրավական փաստաթղթերի և դրանց բովանդակության վերաբերյալ տեղեկատվության ապահովում;
- տեղական և միջազգային ուսումնական հաստատությունների ՈՒԽ-ների միջև փոխգործակցության կապերի հաստատում և ամրապնդում,
- հասարակական նշանակություն ունեցող երիտասարդական նախաձեռնություններին մասնակցության ապահովում,
- քոլեջի կարիերայի պատասխանատուի հետ համագործակցություն,
- քոլեջի կրթության որակի ապահովման պատասխանատու հետ համագործակցություն:

2.3. Ուսանողական խորհրդի գործունեության սկզբունքները

- ՈՒԽ աշխատանքների հրապարակայնության ապահովում,
- ՈՒԽ գործունեությանը կամավոր մասնակցություն,
- որոշումների կայացման հարցում կոլեգիալության ապահովում,
- ՈւԽ գործունեության հաշվետվողականության, հրապարակայնության և թափանցիկության ապահովում,
- ուսանողների առջև պատասխանատվություն ստանձնում:

3. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ԿԱԶՄԱՎՈՐՄԱՆ ԿԱՐԳԸ

3.1 Ուսանողական խորհրդի կառուցվածքը ներառում է ուսանողական խմբերը իրենց ավագների հետ:

3.2. Ուսումնական խմբի ավագը ընտրվում է խմբի ուսանողների ընդհանուր ժողովում ձայների մեծամասնությամբ: Առաջին ժողովը համակարգում է խմբի տարիքով ավագ ուսանողը, իսկ դրան հաջորդող ժողովները՝ արդեն ընտրված խմբի ավագը: Ուսանողական խմբի ժողովներն արձանագրվում են ժողովն իրավասու է առաջադրելու ավագի թեկնածություն:

Ավագների ընտրությունը անցկացվում է բաց քվեարկությամբ: Ավագի թեկնածությունն առաջադրելու և ընտրություններին մասնակցելու իրավունք ունեն ուսումնական խմբի բոլոր ուսանողները:

3.3 Ուսանողական խմբի ընդհանուր ժողովի որոշումը համարվում է ընդունված եթե դրան մասնակցում են ուսանողական խմբի ուսանողների կեսից ավելին :

3.4. Քոլեջի ՈՒԽ-ի կազմի մեջ մտնում են. խորհրդի նախագահը, փոխնախագահը, քարտուղարը, անդամները:

3.5 Ուսանողական խորհրդի նախագահի ընտրությունն անցկացվում է փակ գաղտնի քվեարկությամբ: Ընտրություններին մասնակցելու իրավունք ունեն քոլեջի բոլոր ուսանողները: Ընտրված է համարվում այն թեկնածուն, ով մյուս թեկնածուների համեմատ հավաքել է առավելագույն ձայներ, հավասար ձայներ հավաքած թեկնածուների միջև անցկացվում է նոր քվեարկություն: Հաղթող է համարվում առավելագույն ձայն հավաքած թեկնածուն:

3.6 Քոլեջի ուսանողական խորհրդի նախագահի թեկնածու կարող է առաջադրվել առկա ուսուցմամբ այն ուսանողը, ով հանդիսանում է ՈՒԽ անդամ:

3.7 ՈՒԽ փոխնախագահը և քարտուղարը ընտրվում են ՈՒԽ անդամներից բաց քվեարկությամբ:

3.8 ՈՒԽ-ն կարող է ունենալ անդամներ յուրաքանչյուր խմբի ուսանողական համակազմի 1/4 չափով:

3.9 ՈՒԽ բարձրագույն մարմինը ՈՒԽ-ի ընդհանուր ժողովն է:

3.10 Քոլեջի ՈՒԽ-ն պլանավորում է խորհրդի գործունեության ընդհանուր ուղղությունները և կապ պահպանում Քոլեջի որակի ապահովման, կարիերայի կենտրոնների, Քոլեջի ստորաբաժանումների հետ:

4. ՈՒՍԱՆՈՂԱԿԱՆ ԽՈՐՀՐԴԻ ՓՈԽԳՈՐԾԱԿՑՈՒԹՅՈՒՆԸ ՔՈԼԵԶԻ ԿԱՌԱՎԱՐՄԱՆ
ԽՈՐՀՐԴԻ ԵՎ ՍՏՈՐԱԲԱԺԱՆՈՒՄՆԵՐԻ ՀԵՏ

- 4.1. Քոլեջի կառավարման խորհրդի և ղեկավար մարմինների և ՈՒԽ փոխհարաբերությունները կարգավորվում են սույն Կանոնակարգով:
- 4.2. ՈՒԽ-ն համագործակցում է Քոլեջի կառավարման խորհրդի հետ՝ համագործակցության և ինքնավարության սկզբունքների հիման վրա:
- 4.3 ՈՒԽ-ն Քոլեջի ուսանողների կազմից 3 թեկնածու առաջադրում է կառավարման խորհրդի կազմում Քոլեջի կանոնադրության, «Կառավարման խորհրդի կազմում ուսանողների թեկնածությունը առաջադրելու վերաբերյալ» ընթացակարգի և սույն կանոնակարգի համաձայն:
- 4.4 Քոլեջի կառավարման մարմինի անդամները կարող են մասնակցել ուսանողական խորհրդի նիստերին խորհրդակցական ձայնի իրավունքով: Ուսանողական խորհրդի առաջարկությունները քննարկվում են քոլեջի կառավարման խորհրդի կողմից:
- 4.5 ՈՒԽ նախագահը, որպես ուսանողների ներկայացուցիչ կարող է ընդգրկվել տնօրինական խորհրդի կազմում:
- 4.6 ՈՒԽ-ն փոխհամագործակցում է Քոլեջի կարիերայի կենտրոնի հետ օժանդակելով Կենտրոնի կողմից կազմակերպվող միջոցառումների և տարբեր նախաձեռնությունների կազմակերպմանը և իրականացմանը:
- 4.7 ՈՒԽ-ն փոխհամագործակցում է Քոլեջի որակի ապահովման կենտրոնի հետ մասնակցելով Կենտրոնի կողմից ուսանողների կարիքները վեր հանող և գնահատող գործընթացի իրականացմանը:

5. ՈՒՍԱՆՈՂԱԿԱՆ ԽՈՐՀՐԴԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

5.1. ՈՒԽ և իրավունք ունի՝

- մասնակցել Քոլեջի ուսանողների շահերը արտահայտող և կարգավորող իրավական ակտերի մշակմանը և կատարելագործմանը,
- մասնակցել ուսումնական գործընթացի որակի գնահատմանը, պատրաստել են առաջարկություններ ներկայացնել կառավարման խորհրդի հաշվի առնելով ուսանողների մասնագիտական հետաքրքրությունները,
- առաջարկություն ներկայացնել ուսումնական մասին ուսումնական գործընթացի ժամանակացույցում փոփոխություն կատարելու վերաբերյալ,
- առաջարկություն ներկայացնել պրակտիկայի կազմակերպման, ուսանողների կյանքի և հանգստի կազմակերպման հարցեր վերաբերյալ,
- մասնակցել ուսանողների կարգապահական խախտումների հետ կապված հարցերի քննարկմանը,
- ներգրավվել ուսանողական խորհրդի գործունեությանը և քոլեջի հասարակական կյանքին ակտիվ մասնակցություն ունեցող ուսանողների խրախուսման համակարգի մշակմանն ու իրականացմանը,
- քոլեջի կառավարման խորհրդից, տնօրենից և այլ ստորաբաժանման ղեկավարներից պահանջել և սահմանված կարգով ստանալ ուսանողական խորհրդի գործունեության համար անհրաժեշտ տեղեկատվություն,
- առաջարկություններ ներկայացնել քոլեջի նյութատեխնիկական բազայի և տարածքների օգտագործման հարցերի լուծման վերաբերյալ,
- սահմանված կարգով օգտվել իր գործունեությանն առընչվող տեղեկատվությունից,
- սահմանված կարգով վերադաս մարմիններում բողոքարկել ուսանողների շահերին առնչվող հրամաններն ու կարգադրությունները,

- ուսանողների իրավունքների և ազատությունների, ինչպես նաև ուսանողական խորհրդի իրավունքների խախտման և սահմանափակման դեպքերում քոլեջի կառավարման խորհրդին տնօրենին առաջարկություն ներկայացնել խախտված իրավունքները վերականգնելու և մեղավոր անձանց նկատմամբ կարգապահական միջոցներ կիրառելու վերաբերյալ,

- օգտագործել բողոքի օրինական ձևերը պաշտպանելու ուսանողների իրավունքներն ու ազատությունները, ինչպես նաև ուսանողական խորհրդի իրավունքները,

- ուղղակիորեն մասնակցել քոլեջի գործունեության պլանավորմանը, անցկացմանը և վերլուծությանը: